

Balefela motšhelo ba tlhohleletšwa go fihlelela letšatši la mafelelo la setlha sa go faela

Tshwane, 9 Nofemere 2021 – Ditirelo tša Motšhelo tša Afrika Borwa (SARS) di rata go gopotša balefela motšhelo ka noši bao e sego ba sebakanyana go faela dipušetšo tša bona tša motšhelo pele ga letšatši la mafelelo la 23 Nofemere 2021.

Dikotlo di tlo lefišwa go balefela motšhelo bao ba šitwago ke go romela dipušetšo tša bona tša motšhelo wa letseno ka letšatši la mafelelo.

Balefela motšhelo ba swanetše go lemoga gore go ya ka diphetogo tša molao, SARS e tlo lefiša dikotlo go tloga ka la 1 Disemere 2021 fao go nago le dipušetšo tše tee goba go feta tše di šaletšego morago.

Pele ga ge molao o fetošwa, SARS e be e kgona go lefiša dikotlo fao dipušetšo tše pedi goba go feta di bego di šaletše morago. Molao wo wa kgale o tla dula o dirišwa bakeng sa ngwaga o mongwe ka 2020 le dipušetšo tše di rometšwego mankgapele.

Balefela motšhelo bao ba amogetšego ditekolo tša go itiriša ba swanetše go di swayaswaya goba go amogela ditekolo tša bona pele ga la 23 Nofemere. Ge eba ga ba dire bjalo, ba tla amogela tekolo yeo e lekanyeditšwego yeo e sa hlokego kganetšano goba boipiletšo.

Le ge go le bjalo, molefela motšhelo yo a sa dumelelanego le tekolo yeo e lekanyeditšwego yeo e phatlaladitšwego ka morago ga la 23 Nofemere, a ka faela pušetšo ya motšhelo ya go felela gape ya go nepagala mo matšatšing a 40 a kgwebo a letšatšikgwedi la tekolo yeo e lekanyeditšwego.

Pušetšo ye bjalo e tla latelwa, gomme se se ra gore dikotlo tša mehleng le ditswala tša go romela thomelo llata di tla dirišwa (fao go hlokegago).

Khomišinare wa SARS Edward Kieswetter o boletše gore go faela ga pušetšo ya motšhelo ke boitlamo bja semolao bakeng sa balefela motšhelo bao ba hlokago go faela gomme se se abela go setšo sa go obamela ka boithaopo.

“Eupša go feta tlhokego ya semolao ya go faela pušetšo, balefela motšhelo bao ba dirago mošomo o mo botse ba thuša mmušo go fihlelela dinyakwa tša tirelo ya motheo tša bahloki le bao ba šaparegilego ka go fana ka mphiswa fela wa selegae le tlhokomelo ya tša maphelo, magareng ga tše dingwe.”

Khomišinare o tlaleleditše ka gore, “SARS e beakantše palo e mmwalwa ya dikanale tša ditšithale tše di mpshafaditšwego tše di hwetšagalago 24/7. Se se tla thuša go fana ka tlhaloso le go nolofaletša balefela motšhelo go fihlelela letšatši la makgaola kgang la 23 Nofemere ntle le ditšhitišo. Dikanale tše di akaretša magareng ga tše dingwe, SARS eFiling, SARS MobiApp le tirelo ya SMS. Dintlha tše dingwe di hwetšagalago go wepsaete ya SARS”.

Balefela motšhelo ba sebakanyana ba na le go fihlela ka la 31 Janaware 2022 go fihlelela boitlamo bja bona bja go faela.

Go hwetša tshedimošo enngwe, ikgokaganye le SarsMedia@sars.gov.za

